

**Aromain 6:23 Teti founti siokpari a yeke koui, mais matabissi ti Nzapa a yeke fini ti la koue la koue na ya Christ Jésus, Seigneur ti ani.**

**Aromain 8:2 Ndia ti Yingo so A mou fini na legue ti Christ Jésus, a dji mbi na gbe ti ndia ti siokpari na ti koui.**

**2 Timothée 1:10 mais a si aoue fade so na legue ti singo ti Sauveur ti ani Christ Jésus, Lo so A lounguela ngangou ti koui aoue, na Lo ga na fini na ye so a fouti pepe, Lo si na ni na lumière, na legue ti Tene-ndjoni.**

**Osée 13:14 Fade Mbi dji ala na ti ti ndo-ti-aouakinda? fade Mbi ton' ala na ti ti koui? O koui, kobela ti mo so a fouti kodro a yeke na ndo oua. O ndo-ti-aouakinda, ngangou ti mo ti fouti ye a yeke na ndo oua. Fade be-ndjoni a honde na lè ti Mbi.**

**Psaume 9:14 O L'Eternel, Mo sala be-ndjoni na mbi, Ba voundou ti mbi so mbi ouara na ti ti ala so a ke mbi; Mo so Mo ya mbi na ndouzou, na Mo lounguela mbi na yanga tindo ti koui,**

**Job 6:26 I bi be ti i ti djingo na tene? Tene ti jo so a yeke na bekou pepe a yeke tonga na poupou sengue.**

**Job 33:22 Biani, âme ti lo a ga ndoulou na ndo so ye a fouti da, Na fini ti lo a ga ndoulou na aouakoua so a mou koui.**

**Ezéchiel 37:12,13 Tonga so, mo fa tene na iri ti Nzapa, na mo tene na ala, Seigneur L'Eternel A tene tonga so, Ba, fade Mbi lounguela yanga ti doukoua' ti i, na Mbi sala si i si guigui na ya dou-koua' ni, O ajo ti Mbi; fade Mbi goue na i na sesse ti Israël. 13 Fade i hinga Mbi yeke L'Eternel, tonga na Mbi lounguela yanga ti dou-koua' ti i, na Mbi sala si i si guigui na ya dou-koua' ni, O ajo ti Mbi.**

**Matthieu 27:52 Yanga ti adou-koua' a lounguela, A ya tele ti ajo mingui ti be-voulou so a lango aoue.**

**Genesis 2:7 L'Eternel Nzapa A kamata poupou-sesse na Lo sala jo. Lo ouo mbo na douhon ti jo, mbo so a mou fini, na jo a ga âme so a yeke na fini.**

**Genesis 6:17 Na Mbi, fade Mbi sala si moa ti angou a si na ndo sesse ti fa'mi koue na gbe yayou so mbo ti fini a yeke na ya ala; fade ye koue so a yeke na sesse a koui.**

**Genesis 7:15 Ala li na Noé na ya arche, ala osse osse ti mi koue, so mbo ti fini a yeke na ya ala.**

**Genesis 7:22 Ye koue so mbo ti yingo ti fini a yeke na douhon ti ala, ala koue so a yeke na ndo kourou sesse, ala koui.**

**Job 12:10 Ame ti ye ti fini koue, Na ayingo ti ajo koue a yeke na ti ti Lo.**

**Job 33:4 Yingo ti Nzapa A sala mbi, Na mbo' ti Lo Ti Ngangou Aho Koue a mou fini na mbi.**

**Acts 17:25 Ye a manqué Lo pepe si a yeke mbanga ti Lo ti ouara ye na ti ti ajo. Lo mveni A mou fini, na mbo, na ye koue na ajo koue.**

**Revelation 13:15 A mou ngangou na lo ti mou na image ti gnama ni mbo so a mou fini, si image ni a lingbi sala tene. Na gnama ni a sala si a fa' ajo koue so a sambela image ni pepe.**

**Jean 10:10 Ouandji a ga gui ti ndji, ti fa', na ti fousi *angassangbaga*. Mbi ga si ala lingbi ouara fini, na si fini so a ouou mingui.**

**Esaïe 28:15 Teti i tene, Ani te mbele na koui, ani leke tene na ndo-ti-aouakinda, tonga na ye ti ngangou a mou sesse, fade ye so a si na ani pepe; teti ani sala si vene a ga ndo ti bata tele ti ani, ani honde tele ti ani na gbe ti tene ti ouataka;**

**Esaïe 28:18 Fade mbele so i te na koui a ga sengue, na tene so i leke na ndo-ti-aouakinda a ngba pepe; tonga na ye ti ngangou a mou sesse ni, fade ye so a doro i na sesse.**

**Esaïe 5:24 Legueoko tonga na menga-oua a te mbessou, na tonga na pele so a ole a jou na ya menga-oua, tonga so fade guele ti ala a ga ye so a fou, na koungu ni a ho tonga na poupou-sesse, teti ala ke Ndia ti L'Eternel Ti Angangou Koue, na ala ke tene ti Lo Ti Ndjoni-koue ti Israël.**

**Joël 1:12 Vigne ni a kpi, keke ti figue a yeke kpi; keke ti grenade, keke ti mboulou, na keke ti pomme, même keke koue ti yaka a kpi; teti nguia ti amelengue ti ajo a kpe aoue.**

**Osée 13:15 Kamême Ephraïm a dou amelengue mingui na popo ti a-it a lo, fade poupou ti est a ga, poupou ti L'Eternel so a loundou na yando; na fade li-ngou ti lo a ole. Fade ouato ni a gbo ye ti ndjoni koue so a yeke na da ti mossoro ti lo.**

**Revelation 22:1 Ange ni a fa na mbi ngou so a soua, ngou so a mou fini, ngouso a yeke nguelenguele tonga na cristal. Ngou so a si guigui na trône ti Nzapa na ti Melengue Ti Ngassangbaga,**

**Jean 4:10 Jésus A kiri tene na lo, Tonga na mo hinga matabissi ti Nzapa, na Lo so A tene na mo, Mou na Mbi ngou, Mbi gno, ka' fade mo hounda Lo kodjoni, si Lo mou na mo ngou so a mou fini.**

**Jean 4:14 Mais jo so a gno ngou ni so fade Mbi mou na lo, fade nzala ti ngou a sala lo mbeni pepe. Mais ngou so Mbi mou na lo, a ga li-ngou na ya lo, li-ngou so a soua, a mou fini ti la koue la koue.**

**Aproverbe 13:14 Ouango-tene ti jo ti ndara a yeke li-ngou so a mou fini Ti sala si jo a si na ya son' ti koui pepe.**

**Aproverbe 14:27 Kpengo-mbito ti L'Eternel a yeke li-ngou so a mou fini Ti sala si jo a si na ya son ti koui pepe.**

**Ezéchiel 13:17-23 Mo, melengue ti jo, mo djia be ti mo na amelengue-ouali ti ajo ti mo, ti ke ala, ala so a fa tene na iri ti Nzapa na be ti ala mveni; mo fa tene ti mbanga na iri ti Nzapa na tele ti ala, 18 mo tene, Seigneur L'Eternel A tene tonga so, Voundou a ga na aouali so a fou ouaraga ti**

**djia na ndo ndati koue, na ala so a sala bongo ti li teti li so a yeke kota na li so a yeke kete ti gbo a-âme! I ye ti gbo âme ti ajo ti Mbi? na i ye ti bata âme ti i na fini? 19 I sala si iri ti Mbi a ga sioni na popo ti ajo ti Mbi teti orge so a diko na maboko na teti ndoulou kobe, na i fa' ajo so a lingbi na koui pepe, na i bata na fini ajo so a lingbi na fini pepe, na legue ti salango-vene na ajo ti Mbi so a ye da na vene. 20 Teti tene so, Seigneur L'Eternel A tene tonga so, Ba, Mbi ke ouaraga ti i so i gbo a-âme na ni tonga na so jo a gbo andeke, na fade Mbi sourou ouaraga so na ti ti i; fade Mbi dji a-âme, même a-âme so i gbo ala tonga na so jo a gbo andeke. 21 Fade Mbi sourou bongo ti li ti i nga, na Mbi dji ajo ti Mbi na ti ti i, na fade ala ngba na ti ti i mbeni pepe si i gbo ala; na fade i hinga Mbi yeke L'Eternel. 22 Teti, na legue ti ouataka ti i, i mou voundou na be ti ajo ti mbilimbili, ala so Mbi mou voundou na ala pepe; na teti i sala si jo ti sioni a kpingba si lo lingbi kiri ti djia sio legue ti lo pepe, si lo ngba na fini; 23 tonga so, fade i ba ye sengue tonga na souma mbeni pepe, ouala i gui bendo mbeni pepe; fade Mbi dji ajo ti Mbi na ti ti i; na fade i hinga Mbi yeke L'Eternel.**

**Jérémie 21:8 Fade mo tene na ajo so, L'Eternel A tene tonga so, Ba, Mbi djia na gbele i legue ti fini na legue ti koui.**

**Job 34:22 Bingo a yeke pepe, na bingo ti koui a yeke pepe, Ndo so ajo so a sala sioye a lingbi honde tele ti ala da.**

**Psaume 16:10 Teti fade Mo djia âme ti mbi ti ngba na ndo-ti -a-ouakindapepe, Na Mo djia lo ti ndjoni-koue ti Mo ti ngba pepe na ndo so yea fouti da.**

**Psaume 23:4 Biani, même tonga na mbi ho na popo-hoto ti bingo ti koui, Mbito ti sioye a sala mbi pepe, teti Mo yeke na mbi; Keke na bâton ti Mo a lounguela voundou ti mbi.**

**Psaume 30:4 O L'Eternel, Mo lounguela âme ti mbi na ndo-ti-aouakinda; Mo bata mbi na fini si mbi jou na ya ti dou ni pepe.**

**Psaume 49:16 Mais fade Nzapa A ton' âme ti mbi na ti ti ngangou ti ndo-ti-aouakinda; Teti fade Lo kamata mbi. Sélah.**

**Psaume 56:14 Teti Mo dji âme ti mbi na ti ti koui; A yeke Mo so Mo bata guele ti mbi si mbi ti pepe, Si mbi lingbi tambela na gbele Nzapa Na ya lumière ti ajo ti fini.**

**Psaume 68:21 Nzapa ti ani A yeke Nzapa ti sau ajo; Ngangou ti kpe koui a lounguela na L'Eternel Seigneur.**

**Psaume 89:49 Jo so a yeke na fini, na fade lo ba koui pepe, a yeke jo gne. Jo gne a lingbi sau âme ti lo na ti ti ngangou ti ndo-ti-aouakinda. Sélah.**

**Psaume 102:20,21 Na ndouzou na Ndo Ti Ndjoni-koue ti Lo, Lo ba ndo na sesse, Na yayou, L'Eternel A ba sesse so, 21 Ti ma toto ti ajo ti kanga, Ti lounguela ala so mbanga ti koui a yeke na li ti ala,**

**Psaume 116:8 Teti Mo dji âme ti mbi na koui, na le ti mbi na ngoule, Na Mo**

**bata guele ti mbi si a ti pepe.**

**Aproverbe 10:2 Mossoro so jo a ouara na legue ti sioni a mou faïda pepe,  
Mais mbilimbili a dji jo na ya koui.**

**Esaïe 26:19 Fade akinda ti mo a kiri na fini; fade akoua' ti mbi a loundou. I  
djingo, i sala bia, i so i douti na ya poupou-sesse, teti mamio ti i a yeke  
tonga na mamio ti lumière, na fade sesse a bi aouakinda na guigui.**

**Jean 5:28,29 Djia be ti i a do pepe, tene ti ye so. Teti la ni a yeke ga so  
fade ajo koue so a yeke na ya dou-koua' a ma yanga ti Lo, na ala si  
guigui. 29 Ala so a sala ndjoni, fade ala loundou ti ouara fini. Ala so a  
sala sioni, fade ala loundou ti ouara mbanga.**

**Jean 10:28 Mbi mou na ala fini ti la koue la koue, na fade ala koui la oko  
pepe. Jo oko a lingbi kpala ala na ti ti Mbi pepe.**

**Jean 11:43,44 Tonga na Lo tene tene so aoue, Lo tene na kongo, Lazare,  
mo si guigui! 44 Lo so a koui aoue a si guigui. Na bongo ti koua' a kanga  
amaboko ti lo na aguele ti lo, na mouchoir a kanga le ti lo. Jésus A tene  
na ala, I dji bongo so a yeke na tele ti lo, i djia lo goue.**

**Jean 12:17 Ajo mingui a yeke na Jésus tonga na Lo iri Lazare ti si guigui na  
dou-koua' na Lo ya lo na popo ti aouakinda, ala sala tene ti témoin tene  
ti ye so.**

**Jean 17:2 Si na legue ti ngangou so Mo mou na Lo ti commandé ajo koue,  
Lo lingbi mou fini ti la koue la koue na ala koue so Mo mou na Lo.**

**Acts 17:25 Ye a manqué Lo pepe si a yeke mbanga ti Lo ti ouara ye na ti ti  
ajo. Lo mveni A mou fini, na mbo, na ye koue na ajo koue.**

**1 Corinte 15:19-26 Tonga na be ti ani a kou ye ti Christ qui na fini so, ani  
yeke na voundou aho ajo koue. 20 Mais fade so A ya Christ na popo ti  
aouakinda aoue; Lo yeke Kodjo Le'ngo ti ala so a lango. 21 Teti  
legueoko tonga na koui a ga na legue ti jo oko, tonga so nga, loundoungu  
ti aouakinda a ga na legue ti Jo oko. 22 Teti legueoko tonga na ajo koue  
a koui na ya Adam, tonga so nga, na ya Christ, fade ala koue a ouara fini;  
23 mais ala oko oko koue na ngoy ti ala: Christ, Kodjo Le'ngo ni, na peko  
ni, ala so a yeke ti Christ a ouara fini na la ti singo ti Lo. 24 Na peko ni,  
fade nda ni a si, la ni so Lo mou royaume na Nzapa Baba mveni; tonga na  
Lo lounguela akodjo-guele-ti-commandé, na ayanga-ti-commandé koue,  
na angangou koue. 25 Teti a yeke mbanga ti Lo ti commandé, juska Lo  
djia aouato ti Lo koue na gbe ti guele ti Lo. 26 Ouato ti nda ni, so fade  
Lo lounguela lo, a yeke koui.**

**2 Corinte 1:9,10 Biani, na le ti ani, ani koui aoue, tonga so ani djia be ti ani  
na ngangou ti ani mveni pepe, mais ani djia be ti ani na Nzapa so A ya  
aouakinda, 10 Lo so A sau ani na ya koui so, na fade Lo kiri Lo sau ani;  
ani djia be ti ani na Lo, teti ani hinga fade Lo sau ani;**

**2 Corinte 3:6 A yeke Lo so A sala si ani ga ajo ti koussala ti fini mbele,  
mbele so a ga na legue ti Ndia pepe, mais na legue ti Yingo; teti Ndia ni**

**a mou koui, mais Yingo A mou fini.**

**Colosse 1:21,22** *Guiriri, i kangbi na Nzapa, na i yeke aouato na ya bibe ti i na legue ti sio koussala ti i; 22 mais fade so Lo sala si i ga songo na legue ti mi-tele ti Lo na legue ti koui, si Lo lingbi djia i na gbele Lo mveni ndjoni-koue, na sioye kete pepe, na tene oko na li ti i pepe;*

**Ahébreu 2:9** *Mais ani ba Jésus, Lo so Nzapa A sala si Lo manqué kete ti lingbi na a-ange. Lo ouara couronne ti gloire na ti yango-iri teti Lo hou pono ti koui, si na legue ti grâce ti Nzapa Lo lingbi tara koui teti ajo koue.*

**Ahébreu 2:14,15** *Teti amelengue a yeke na tele ti mene na mi-tele, Lo nga A kamata tele legueoko tonga na ti ala, si na legue ti koui ti Lo, Lo lingbi fouti djabalo, lo so a yeke na ngangou ti mou koui. 15 Lo lingbi dji ala koue so a yeke amgba ti mbito ti koui na la ti fini ti ala koue.*

**Ahébreu 11:5** *Na legue ti mabe ti Hénoc, A kpala lo si lo ba koui pepe, na ajo a ouara lo pepe teti Nzapa A kpala lo aoue. Kodjoni si Nzapa A kpala lo, Nzapa A sala tene ti témoind tene ti lo, lo sala aye so a yeke ndjoni na le ti Nzapa.*

**1 Pierre 3:18** *Teti Christ mveni A koui teti siokpari, legue oko teti la koue, Jo ti mbilimbili A koui teti ajo ti kirikiri, si Lo lingbi ga na ani na Nzapa. A sala si tele ti Lo a koui, mais A sala si Lo kiri na fini na legue ti Yingo.*

**2 Pierre 1:3** *Ngangou ti Jésus, ngangou so a yeke ti Nzapa, a mou na ani aye koue teti fini ti ani na teti batango tene ti Nzapa, a mou na ani aye so na legue ti hingango Lo so A iri ani aoue na legue ti gloire na ti ndjobe ti Lo mveni.*

**1 Jean 3:14** *Ani hinga ani si guigui na ya koui aoue na ani si na ya fini, teti ani ndoye a-ita ti ani. Lo so a yeke na ndoye pepe, lo ngba na ya koui.*

**1 Jean 5:11** *Na so a yeke tene ti témoind ni. Nzapa A mou fini ti la koue la koue na ani aoue, na fini so a yeke na ya Melengue ti Lo.*

**Revelation 21:6** *Na Lo tene na mbi, A oue. Mbi yeke Alpha na Oméga, Mbi yeke Commencement ni na Mbi yeke Nda ni. Lo so a yeke na nzala ti ngou, fade Mbi mou na lo ngou ti li-ngou so a mou fini, Mbi mou na lo sengue sengue.*